

楊襄毅公本兵疏議

楊襄毅公本兵疏議卷之七

遵諭條上定策遏虜疏

少保兼太子太保兵部尚書臣楊博等謹

題為欽奉

聖諭事職方清吏司案呈奉本部送該內閣傳奉

聖諭自博入我每慮邊務今秋必有撥者可語博早定策以遏之欽此欽遵傳奉到部除先已具由回奏外所有定策事宜呈乞查處案呈到部看得醜虜入犯多在涼爽之時防禦機宜貴審急緩之勢今之九邊大率以薊鎮為第一蓋腹心既安四肢自無可慮以故廣

調各鎮之兵為之戍守多發度支之糧為之餽給精選驍健之將為之捍禦仰蒙

聖皇在上深思遠慮靡所不至臣等何容別議今據宣天總督李文進所奏止是求邵保九慎擺腰三部之賊其酋首俺荅黃台吉把都兒并東虜土蠻俱各未見踪跡驚鳥將飛必戢其翼甚當為薊鎮之慮臣等謹將大同薊鎮應行事宜不揣愚陋開坐上請伏乞

聖明俯賜採覽早為允行地方幸甚嘉靖四十年八月十六日題奉

聖旨這所奏事宜都依議行主客錢糧缺乏着戶部即便

給發前去不許悞事欽此

一大同所犯之賊數本不多本鎮兵馬已該總督李文進先期分布似為有備臣等近又移文巡撫都御史陳其學總兵官劉漢令其堅壁清野以固其守設伏出奇以挫其鋒分精兵以搗其巢簡惡少以邀其馬隨機應變之策聽其徑自處置計料此慮日下必當遠遁所據李文進所討宣府遊擊孫輔大同遊擊周資文入衛遊兵二枝另本酌量議處

一賊犯薊鎮必由白草川三間房一帶嚙探一節全在宣府獨石叅將蓋薊鎮止得其情獨石則得其形

知之既早豫於占北黃花鎮等處加謹防禦所謂先則制人自保無虞合無容臣等仍行宣大總督都御史李文進巡撫都御史遲鳳翔總兵官李賢督率叅將劉國多差的當人役遠為嘯探但有東行踪跡即便飛報本部以憑調度嘯探的確防秋畢日叅將官重加陞賞如或怠緩慢事與薊鎮將兵一體治罪一薊鎮各區先該臣博總督之時每區定擬兵備副使僉事一員為之監督連歲督臣行臣之計日益詳密但防秋之後未曾定擬賞罰誠恐人心懈弛關係不輕合無容臣等備行總督都御史楊選巡撫都御

史張玘嚴行副使溫景葵紀公巡粟永祿李尚智張  
邦彥伊介夫各照地方用心督理一切兵糧事宜悉  
聽徑自區處督撫官不得遙制如果禦虜有功或廢  
知有備不敢窺伺督撫官從實具奏以憑甄錄急緩  
悞事查察究治

一昌平鎮居庸鎮邊黃花鎮三區與宣府懷來延慶  
永寧四海冶相為唇齒宣大總督每當秋近移住懷  
來正為南山之備但事在兩鎮未免互分彼此必須  
聲勢聯合事方有濟合無容臣等備行宣大總督都  
御史李文進仍駐懷來如果賊犯薊鎮古北口一帶

宣府別無聲息即便多發精兵星馳援應若止犯延  
永逼近南山就將各支兵馬分屯薊鎮牆上協力固  
守但使匹馬不得入關即為首功

一薊鎮總督巡撫揭報本部每以主客兵馬錢糧十  
分缺乏為詞事在戶部臣等不知其詳審據公差人  
役皆稱見差科道查勘戶部候查明之日方議處發  
但今事在燃眉師行糧從時不可缺合無容臣等備  
行該部將昌平薊州二鎮不拘銀兩漕糧作速運發  
以備目前之用稍候科道查勘畢日一併計筭

一薊鎮燕河冷口一帶逼近遼東虜若自東入犯薊

鎮督撫官相去隔遠調度自不能及即使有兵可發  
千里赴援不惟無以濟事亦非兵家常筭合無容臣  
等備行遼東都御史吉澄會行總兵官雲昌即將本  
處兵馬整棚停當如果虜犯燕河等處不必候調徑  
自領兵前來策應有功與薊鎮將兵一體陞賞遷延  
債事與薊鎮將兵一體黜罰

遵諭申飭京邊備虜疏

題為欽奉

聖諭事職方清吏司案呈奉本部送嘉靖四十年九月初  
三日寅時該內閣傳奉



聖諭止賊為患計深不可常視本兵不之慮何也原內逆  
多了而胡不足較今還須加兵堅守亦不可輕戰京營  
亦要備欽此欽遵傳奉到部隨奉本部送兵科抄出巡  
按直隸監察御史董學題為傳報虜寇異常聲息深  
為可慮懇乞

聖明嚴勅督撫諸臣竭力隄備以安重鎮以固屏藩事奉  
聖旨兵部知道欽此抄送到司案呈到部看得竊茲醜虜  
夏月會住青山之後其謀甚深秋抄分屯宣大之間  
其踪漸露大率窺伺薊鎮以為聲西擊東之計仰蒙  
聖皇在上深慮今秋有擾

勅下臣等定策遏之隨該臣將應行事宜開坐具題恭蒙  
俞允以故薊鎮昌平紫荆倒馬一帶兵馬分布極其嚴密  
賊知深入為難七月八月遲回不動乃今九月一敗  
數千窺宣府馬營等堡昨據總督李文進揭報有賊  
答話說要搶屬夷又說要搶薊鎮多半出邊勢已回  
營一股二萬窺大同平虜等處昨據總督李文進揭  
報一半仍在邊外尚無向往的信原非大舉臣等連  
日與總督李文進往來計議賊在大同者已行副總  
兵趙岢兵阻其北總兵吳徵等兵遏其南總兵劉漢  
等兵防其東將田世威伏兵白石嶺擊其情歸恭

將孫吳留守右衛叅將馮詔留守左衛賊在宣府者  
分發總兵李賢正兵一枝北至鵬鶚同遊兵迎擊又  
恐果與屬夷讐殺相去四海冶黃花鎮尤近故留副  
總兵馬芳叅將王孟夏董奎之兵仍為南山之備  
本部申飭文移日凡數次彼處督撫等官亦各早夜  
戒嚴不敢怠視茲蒙

聖諭還須加兵堅守不可輕戰京營亦要備仰見

皇上神謨淵慮洞燭虜情既欲堅壁固壘外收邊圉萬全  
之功又欲居重馭輕內為戎政三營之備臣等愚昧  
實所不及但臣等所竊慮者時已秋深賊踪雖在宣

大乍進乍退猶為剝床之災賊意實在薊保域出剽  
沒未免剝膚之害相應一體申飭合候

命下通行總督宣大都御史李文進嚴督宣府總兵官李  
賢巡撫都御史遲鳳翔大同總兵官劉漢巡撫都御  
史陳其學山西總兵官吳徵巡撫都御史楊宗氣各  
照分定兵馬再加精兵亟為戰守賊雖示弱誘我切  
不可輕與之戰以墮賊計本部一面備行戎政大臣  
顧寰王邦瑞速將京營兵馬通行整棚要見何枝堪  
以出戰何將統領何枝堪以拒守何將統領即今正  
係常操之期務要人人精練先行開報本部以憑酌

議一面備行總督薊遼都御史楊選督率薊鎮鎮巡  
官張承勛何淮張珌保定鎮巡官祝福毛愷照依本  
部近議款內事理一一舉行分牆守禦常如虜在目  
前差人出境於李河車小興州舊開平三間房白草  
川不時接哨賊但有東行之信星飛馳報直至十月  
初旬氣寒冰凍方可解嚴如敢怠緩誤事容臣等從  
實叅究重治嘉靖四十年九月初三日題奉

聖旨是著各該督撫官等加謹備守不許怠忽欽此

覆宣大總督都御史李文進奏報宣府虜情疏

題為達賊入邊事職方清吏司案呈奉本部選兵科抄

出總督宣大山西等處地方軍務兼理糧餉都察院  
右副都御史李文進題奉

聖旨兵部知道欽此欽遵抄出送司茶呈到部看得總督  
都御史李文進具題前因大率謂宣府馬營地方有  
賊萬餘逐草漸南半入邊內若非西掠懷保必是東  
警屬夷相機勦逐出邊另題一節切詳前項醜虜始  
而佯為打牲以示住牧之意繼而欲掄屬夷以復盜  
馬之警乃今移營漸南若自長安嶺而下逼近懷保  
雖有總督鎮巡等官俱在彼中虜情叵測耳南山馬  
水一帶俱當過防合候

命下備行總督李文進總兵李賢巡撫遲鳳翔督率副總  
兵馬芳叅將王孟夏董一奎等多方逐勦務令早出  
外境毋貽民害一面移咨順天巡撫都御史張珌總  
兵官何淮保定巡撫都御史毛愷總兵官祝福一體  
戒嚴大抵口壯主於固守清野堅壁以收萬全之功  
口南主於拒守依牆扼隘毋令匹馬之入皆為上策  
如可搗巢再加計議照依大同事體選差驍健乘空  
出邊勦其老小是亦攻其必救之策事在閫外本部  
難以遙制徑自相機施行如敢怠忽慢事容臣等查  
叅究治嘉靖四十年九月初九日題奉

聖旨是欽此

遵諭申飭薊鎮宣大等處守禦疏

題為傳奉

聖諭事職方清吏司案呈奉本部送嘉靖四十年九月十

三日申刻該內閣傳奉

聖諭我聞虜犯今已入久惟邊各少備賊略忌之可於諸  
城堡遍給火器以禦仍要堅守不可輕戰以仰奉

天保神扶者或閣中示博行欽此欽遵抄捧到部送司案  
呈到部臣等看得今歲虜謀如果異常在西者則分  
入宣雲以誘我薊西之兵在東者則分屯遼右以窺



我薊東之怠大意垂涎畿甸欲為深入之計仰蒙

聖皇在上屢垂嚴諭內而京師三營外而薊保兩鎮砲火  
之聲晝夜不絕戍守之卒遠近相望已得伐謀之策  
漸消希覲之念即觀近日古北口出嘯夜不收劉全  
報稱嘯至屬夷伯彥帖忽思營內備聞酋首把都兒  
曾差達子往馬蘭峪牆子嶺古北口探看道路俱稱  
各區人馬防的甚緊決捨不得把都兒遂會黃台吉  
西犯可嗑套去訖可嗑套者蓋謂宣大也況今九月  
將半秋色無多即使中懷奸險糾衆復東塞外早寒  
氣凝冰結似亦無能有為至於大同威遠之虜總督

李文進揭稱本月初八日一半已上平虜西山去邊止三十里宣府馬營之虜總督李文進揭稱新舊之賊漸自馬營移至赤城將犯懷來大小白陽一帶則嘯者所云西犯可盍套者似亦不虛也臣等竊惟宣大兩鎮防禦事宜如調山西之兵搗豐州之巢謹南山之守集寄養之馬移巡撫陳其學於左衛留總督李文進於懷來節該本部具題奉有

俞旨無容別議茲蒙

聖諭欲要各城堡遍給火器堅守不可輕戰是誠禦虜切要之務臣等待罪本兵不勝感激除備咨工部將大

楊襄毅公奏疏卷之二  
同宣府二鎮城堡即日多發各樣火器火藥差官運  
送前去撫鎮衙門交割一面通行總督鎮巡等官用  
心堅守不許輕戰以仰奉

天保神扶外嘉靖四十年九月十三日題奉

聖旨是薊鎮火器著工部一併作速多發欽此

覆薊鎮閱視郎中許汝驥分別功罪條陳事宜疏  
題為遵照舊規

請明調遣以重防秋事職方清吏司案呈奉本部送兵科  
抄出兵部職方清吏司署郎中事主事許汝驥題  
聖旨兵部有議來說欽此欽遵卷查嘉靖三十九年

部署郎中王叔果題前事本部覆題奉

聖旨是劉鎮練兵屢有旨着實舉行今經三年兵未見用顯是各官不行用心且姑記着明年閱視再無成效該科查叅治罪雲冒准改總兵鎮守居庸昌平等處地方寫勅與他祝福并雷龍等黃演等依擬黃龍等各降俸一級徐勲等各降一級張勲等各罰俸兩箇月欽此又查得嘉靖四十年五月該本部題為前事內稱劉鎮閱視兵馬又係差官之期查得本部職方清吏司署郎中事主事許汝驥在任堪以差委前去該鎮悉照上年舊例會同巡撫都御史公同各兵備官照區

嚴加點閱事完不必造冊徑自從實田奏等因題奉  
聖旨是欽此又查為邊鎮錢糧虛糜數多乞賜查究并  
勅該部預為經畫以圖安攘大計事該戶科都給事中鄭  
茂等題本部覆議移文總督鎮巡官嚴督各該將領  
速將本鎮主兵逐一補練毋視虛文務臻實效一面  
劄行郎中許汝驥遍歷各區嚴加點閱要見何區精  
強何區疲弱分別等第從實具奏如果仍前怠玩應  
叅人員指名查叅干碍總督鎮巡一體奏聞聽候  
宸斷等因題奉

聖旨是欽此俱照通行欽遵去後今該前因通查案呈到

部看得本部署郎中許汝驥具題前因大率謂奉  
勅前往薊鎮逐區躬親校閱總一鎮十區新舊主客之數  
始而根極弊源反覆敷陳補練不成之故繼而條陳  
補兵練兵之法及經略軍制馬政將領等項事宜仍  
要備行總督楊選巡撫張卬嚴行各兵備副使督率  
將官如法訓練務臻實效一節為照薊鎮主兵節奉  
欽依差官閱視期以三年訓練有成去歲郎中王叔果事  
完回奏止稱軍容可觀荷蒙

聖恩將各官姑記其罪明年無效聽該科查叅即今又經  
一年叅詳郎中許汝驥之奏似猶未見精練蓋由該

鎮守練之弊未去補練之法未行日復一日徒為文具主兵無時可用客兵何時可撤總督鎮巡叅遊兵備等官玩愒之罪均屬難辭係干地方重計相應通行議擬合候

命下將張承勛革任閑住所劾賊私備行順天巡按御史勘問具奏遺下員缺先行會官推補總督尚書許論巡撫都御史張珌各加究治副總兵袁正李意叅將時鑾黃演郭琥魯聰黃龍善麒申維岳仇已佟登胡鎮遊擊方振王倫劉國賓胡燦揚真周罕先身宗禹崔桂守備管儒王治道茂涇楊四畏丁添福周德陳

馮吉張國卿程燮汪洋提調王旌王允文張廉楊維  
奇劉經王化熙趙州武世忠劉汝弼劉勇趙雲龍李  
思忠康斗南張斌李秦蕭繼英楊舜耕徐勲田首宮  
麒把總周乾楊俊孫光祖周淮分守林爵各於實職  
上重加降級兵備副使張邦彥栗永祿紀公巡李尚  
智溫景葵各加罰治一面移咨新任總督都御史楊  
選嚴督鎮巡兵備等官督率將領查照節奉

欽依將各區兵士應補者按籍收伍應練者着實訓練再  
無成效通行重究及照郎中許汝驥條陳事宜未經  
款列不便 聖覽臣等謹用分別開坐恭候



宸斷嘉靖四十年九月十三日題奉

聖旨先年有旨勦鎮調兵非經久之計練補土兵以免常  
調邊兵總督鎮巡等官全不用心每歲只靠調兵費用  
錢糧坐困供餉何有紀極今又三年差官閱視却稱照  
舊不堪戰守各官不以明旨為重好生欺肆許論已革  
任待查明錢糧一併處治張承勛革去職任巡按御史  
提了所劾賊私究問明白來說張珖姑降一級調外任  
員缺各便推補袁正等各降實級三級姑留供職張邦  
彥等姑各罰俸半年著楊選嚴加督率訓練若再無效  
重治其餘准議行欽此

一查處軍餘看得軍人之有軍餘原為備繼補之數  
必須盡麗尺籍稽查方有憑據近日邊將往往私自  
役占衛所官員又巧立名目阿意奉承以致下情恣  
苦隱避脫漏一遇缺伍乏人頂補即今正當審編徭  
役之時相應依擬清查合無移咨督撫衙門嚴行各  
區兵備等官督率衛所拘集餘丁從實查審果係各  
軍弟男子姪逐一登名在冊遇有逃亡事故按冊頂  
補如敢仍前隱漏徑以軍法重治

一查處城操看得城操官軍所以防護城池干係匪  
輕邇來該鎮或役於權勢或占於官府以致守禦無

人相應依擬禁革合無移咨督撫衙門嚴行各區兵  
備等官通將各處城操官軍逐一點查務要常川在  
城防守其各衙門聽事恭應舍人箭手牢子伴當等  
項悉令革退先將革過姓名造冊送部查考

一查處募兵看得薊鎮新募遊兵五枝原議停免河  
南入衛之兵歲解工食銀兩給為安家之需近來該  
省不能如期徵解以致各軍未沾實惠除昌平一枝  
隨衛食糧安家銀兩停革通州一枝改入京營無容  
別議外其密雲永平遵化三枝相應通行酌處合無  
移咨督撫衙門即行兵備等官將前項遊兵三枝查

照今議逐一嚴審何為土著歲應給銀伍錢何為流  
寓歲應給銀一兩五錢徑自施行本部一面備行河  
南巡撫都御史將扣補餘銀作速徵解順天巡撫衙  
門收貯專備募兵支用不許別項那借

一查處職守看得督撫大臣遇有斬獲不得與總兵  
同賞臣博嘗力言之此盖可行於宣大陝西遼東諸  
邊耳若夫薊鎮拒守之功全在總督不可一槩而論  
今稱督撫不宜與總兵同賞難以如擬至謂兵備憲  
臣不可使鎮守督之副叅有缺不可使憲臣署之誠  
為有理合無移咨督撫衙門以後一應軍機兵備副

使惟聽督撫官節制鎮守衙門毋得牽制副叅有缺  
止宜於武臣中選署不許仍前掣刺以紊職守

一查處占役看得薊鎮總兵挑選各區之兵常住三  
屯誠為弊政至於內外跟隨軍伴等項載在條例各  
有定數私占多役尤非事體相應一併查革合無移  
咨總督軍門即行鎮守官將本營所選夫兒手壯士  
等項盡數掣回交與各區將領各自操守其各衙門  
占役軍伴亦令逐名查出通行著伍如總兵仍前選  
調聽彼處巡按御史指名叅究

一查處冗冒看得總督軍門中軍原係軍門隨宜委

用陝西宣大事體相同本部難以推舉至於各處廢  
棄各官在彼聽用委為振武營兵之害相應通行查  
處合無移咨軍門將聽用各官通行試驗謀勇可用  
照舊留用怯懦無為盡數革退仍具由咨部查考

一查處督責看得事有章程則稽查自易剴鎮各區  
遵奉 欽依置立格眼文簿兵馬多寡錢糧盈縮之  
數一閱可知委為簡便之法但恐所司奉行未至徒  
為文具合無移咨督撫衙門責成兵備等官查照郎  
中許汝驥所議徑自稽考務臻實效

一查處賞罰看得激勸人心全在賞罰剴州一鎮逼

近京畿大率以拒守為首功以斬伐為次功嘉靖三十二年古北口拒虜之功已經本部題奉

欽依准其世襲事體已定但恐歲月既久不能人人盡知相應通行申飭合無移咨督撫衙門即行將領等官各將本區廣備嚴守如果禦虜有功從實具奏雖無擒斬所陞職級一體世襲其嘯夜人等嘯報大舉得實即同擒斬之功如敢怠緩悞事國典具在自難輕貸

一查處事權看得涿鹿遊兵應援鎮邊城昌平遊兵應援黃花鎮振武營遊兵應援石塘嶺各有信地不

察改移昌平懷柔兵備道無事之時雖不相關一遇  
應援亦地即當與領兵叅遊官會同行事豈容互分  
彼此相應通行申飭合無備咨總督軍門嚴督鎮巡  
官即行各區叅遊等官照舊防守信地凡事與該道  
公同計議而行不得偏執已見致悞事機其鎮邊城  
錢糧宣府應否查盤移咨戶部徑自謹處

一查處規模看得軍士操備雖在營區食糧則由衛  
所自是 祖宗舊制乃今薊鎮之軍該營徑自收糧  
白頭文移委難稽查合無移咨督撫衙門作速查議  
以復舊規如或別有窒碍照依副使溫景葵所呈權



借附近衛所印信以防奸欺似亦一策

一查處戰臺看得脩築戰臺耳目既明腹心自固誠為保障至計必須附近牆垣方得地利更番戍守方為人和原非空費徒勞難以因噎廢食相應通行申飭合無移咨督撫衙門嚴行兵備等官將各區戰臺逐一查理已完者加意備守未完者作速脩築務要附近塞垣以求實用

一查處軍制看得長陵等八衛隆慶衛及遵化等三衛寬河所之軍多隱於京差黃花鎮班軍獨得休息牆子嶺三百餘人原係山海正軍宜掣回本衛另

召土著以補建昌營與冷口相近宜備冷口不當援  
太平寨石匣與古北口相近宜備古北不當援牆子  
嶺大寧都司宜改遊擊古北口寄操家丁宜屬叅將  
一切事宜俱在彼中相應通行勘處合無備咨督撫  
衙門將前項軍制逐一會議停當作速回奏

一查處馬政看得買馬之費全藉椿朋銀兩自當以  
時追徵一以懲軍士之急一以充軍國之需關係甚  
重乃今鎮守等官自行追取以致侵剋多端馬政不  
脩職此之故相應急為整正合無備咨督撫衙門嚴  
加禁約以後椿朋等銀務要各道兵備副使立限追

完各另解道遇有缺馬幫轆買補仍將三十九年十二月以前通行查明有無拖欠侵冒情弊咨報查考  
一查處撫賞看得三衛屬夷非我族類其心自異撫賞一節不過羈縻之術提綱挈領全在官得其人事方有濟合無備咨總督鎮巡等官督同叅將提調等官遵照本部節奉欽依內事理每遇屬夷到邊務要宣諭朝廷恩威使知感戴方行撫賞如敢撲捉要求即便發兵勦殺不許專事姑息以滋後患其久任推補事宜本部自當斟酌處置

一查處將領看得該鎮將領既經本官得之日擊舉

刺前來與本部查訪大略相同相應通行依擬合無  
將袁正仇已郭琥魯聰林爵佟登時鑾程燮揚四畏  
康斗南趙雲龍鄭寶王廷棟張涇程照黃演黃龍周  
季先俱附記在簿酌量推用內黃演黃龍周季先補  
練未精不准復俸王化熙量調腹裏別用劉富張崑  
谷承功革任閑住員缺推補賀淮淦永貴柴良弼革  
去管事行令四衛帶俸差操褚章顧大魁焦勛仍行  
巡按御史提問具奏

覆巡視西關御史黃紀請勅邊臣併守南山疏  
題為虜賊擁衆深入聲勢重大懇乞

聖斷嚴勅督撫鎮守臣工併力截殺以固邊防以安重地  
事職方清吏司案呈奉本部送該巡按直隸監察御史黃  
紀具揭前因大率謂大同宣府之虜兩處竊發宣府  
者已落懷來川當防南山欲要總督撫鎮諸臣據險  
堅守恊心驅逐各一節除大同威遠之虜先已出境  
無容別議外為照宣府之虜雖已落川止是乘機搶  
掠原無深入之意臣等以其逼近南山已經分布宣  
大總督都御史李文進屯兵隆慶宣府總兵官李賢  
屯兵岔道宣府巡撫都御史遲鳳翔屯兵沙城宣府

副總兵馬芳等屯兵土木永寧沙城等處其所以防  
外者俱已周匝又經分布順天巡撫都御史張珌昌  
平兵備副使栗永祿陝西副總兵周欽屯兵鎮遠城  
昌平總兵官何淮屯兵居庸關進擊崔桂柴芝屯兵  
黃花鎮薊遼總督楊選今日又自密雲提兵而至其  
所以防內者亦無滲漏所據巡按御史黃紀揭報前  
因無非事求萬全之意相應通行議擬合候

命下備行宣薊各總督鎮巡等官務要同心協力毋分彼  
此早逐出境以靖地方本部一而行令密雲兵備副  
使李尚智懷柔兵備副使張邦彥等一體固守毋墮

此賊聲西擊東之計嘉靖四十年九月十六日題奉  
聖旨是着各該地方官協力防守不許悞事欽此

覆宣大總督都御史李文進報虜出邊嚴後備疏  
題為達賊出境事職方清吏司案呈奉本部送兵科抄  
出總督宣大山西等處地方軍務兼理糧餉都察院  
右副都御史李文進題奉

聖旨兵部知道欽此抄出到部送司案呈到部看得前項  
達賊雖已盡出大同之境即目秋尚未盡既稱小掠  
而去乘時復犯勢所必有近日鎮巡等官但遇賊入  
未聞設法勦逐不日討兵即曰討糧臨渴掘井殊為

可厭況事當豫立變貴先圖起今煙塵少靖相應急  
為查處合候

命下備咨總督都御史李文進巡撫都御史陳其學總兵  
官劉漢速將兵糧事宜逐件備細酌處明白作速具  
奏不得仍為含糊之詞以誤邊計其總兵官劉漢今  
次賊入專事虛文一籌未展移咨都察院轉行宣大  
巡按御史通將虜賊出沒并失事輕重查勘明白從  
實叅究嘉靖四十年九月十八日題奉

聖旨是欽此

覆宣大巡按御史董學等報虜復入戒嚴疏



題為傳報虜賊擁衆復入為患日深懇乞

聖明嚴勅督撫諸臣協力議處防守事宜以固重鎮事職  
方清吏司案呈奉本部送該巡按直隸監察御史董  
學揭帖前事又該總督宣大山西等處地方軍務兼  
理糧餉都察院右副都御史李文進揭為達賊出邊  
未久復行聚衆入犯事又該大同撫鎮官陳其學等  
揭報相同等因到部送司案呈到部看得大同威遠  
之賊昨者初出大邊臣等即當慮其復犯已經題奉  
欽依備行總督鎮巡等官計處兵糧早為隄備乃今巡按  
御史董學總督都御史李文進等所報果從大同左

衛突犯草枯雪落雖非侵軼之時蟻聚蜂屯當為驅  
逐之計除總督都御史李文進統領標兵王孟夏等  
已自懷來無程西向本部仍行總兵官劉漢巡撫都  
御史陳其學等相機戰守及行山西總兵官吳徵等  
發兵策應外嘉靖四十年九月二十八日題奉  
聖旨這賊非時聚眾復入着李文進等加兵慎守相機勦  
逐不許怠慢欽此

奉 旨條上破格整理薊鎮兵食疏

題為敷陳地方敝狀仰祈

聖鑒以圖善後事職方清吏司案呈奉本部送該本部題

本司案呈奉本部送兵科抄出總督薊遼保定等處軍務兼理糧餉都察院右副都御史楊選題奉

聖旨這所陳薊鎮故狀前官全不經心日事因循即今當何整理兵部悉心議處開具奏來欽此該本部覆題奉聖旨薊鎮督撫官等每遇有警輒張皇告急惟調客兵防守圖保目前無事日延一日何有為國忠計者邊兵一節初只權宜之行今已調十一年未見減撤却又重加挑選此則何時而止不但供餉增費人情政體皆非所宜這所議不過循常題覆目今如何練主兵方可免調邊兵卿情任茲鎮宜竭盡忠謀大破常格整理還着

議來說欽此錄進抄出送司察呈到部臣等竊惟昌  
薊二鎮近在畿輔實為腹心之地粵自庚戌虜變以  
來遠調客兵分番入衛原非經久之計臣博經略之  
時奏稱薊鎮之事當以練主兵為根本調客兵為權  
宜于後郎中唐順之經略又奏稱主兵練成一枝當  
減客兵一枝非臣二人之私言實為衆人之公議乃  
今督撫等官或玩愒而人事不修或災沴而天時未  
順以致練兵之舉十年罔效閱兵之使三出無功誠  
可駭嘆仰蒙

聖皇在上淵慮深思長駕遠馭既將誤事之臣各加黜罰

又欲本兵之臣破格議處特念臣博嘗歷茲鎮

明旨叮嚀曷啻面命臣博雖至愚極陋敢不仰承萬一

連日謹與臣縉共攄一得條為十事極知兵馬錢糧

各有攸司切緣事體重大不敢避忌固臣等徇馬之

心亦臣等之分也臣等無任隕越俟

命之至嘉靖四十年十月初一日題奉

聖旨這事宜卿等既議停當都准行工部銀兩准暫借用

俟補還差官已別有旨了欽此

一各區主兵雖有總副叅遊等官職專選練若非兵

備副使為之監督事權既輕賞犒無措日復一日全

乏實效臣等悉心圖維必須易轍改絃方能興廢舉  
墜查得永平兵備副使溫景葵昌平兵備副使栗永  
祿懷柔兵備副使張邦彥密雲兵備副使李尚智薊  
州兵備副使紀公巡才識操履俱極一時之選相應  
久任責成合無備行各官將所管區分主兵通行蒐  
選設法教練仍將

勅諭各另換給一道備將選練主兵緣由開載於內一年  
之內練有成效不次擢用因循不振從重降罰及照  
各官年資已深若使遷轉別處新任之人事體不能  
周知悞事不淺本部一面移咨吏部備查各官年資

如果相應者擬陞祭政職銜仍兼僉事管理兵備年  
資未深者職銜照舊公差科道等官雖有查盤等項  
事情不許輕易委用致妨正務巡撫官月一閱視總  
督官兩月一視合用犒賞銀錢等項准於督撫兵備  
贓罰銀內動支免其解京本部仍發銀二萬兩分發  
各道添犒犒賞大率軍以十人為率八人習火器二  
人習弓矢若使人人火器精熟倚牆拒守自當萬全  
一陝西固原寧夏延綏三處客兵比之宣大尤為  
遠十餘年來往返奔馳疲勞極矣但主兵教練未  
若使遽為撤去一有急緩未免失措相應通行酌

合無移咨總督都御史楊選將延綏遊擊時達所統遊兵一千五百名既稱不成行伍查照總督尚書許論原議以後免其徵調其延寧固原各枝照舊調發本部一面咨行陝西督撫等官將該班官軍用心揀選俱用馬軍不用步軍馬匹軍器如果不敷作速奏請聽本部與工部處發兵行之日巡按御史坐委守巡兵備該道查點明白具由奏知候四十一年以後主兵練成每年遞減一枝以示休息其山西山東保定遼東宣府大同應調之兵不得援以為例一陝西等處邊兵既欲漸撤各區擺守之兵恐不足



用查得京師三營自我

皇上更定之後戎政大臣顧衆王邦瑞悉心整理大有次第相應酌量調發合無備行戎政大臣選兵四枝專在居庸鎮邊二區防春正月十五日啓行三月終旬回營再發兵四枝專在居庸鎮邊二區防秋七月十五日啓行九月終旬回營每枝三千名止用馬軍三百以備傳報其餘二千七百俱用步軍其步軍盔甲器械上邊之日暫借闔營之馬馱送班滿盔甲器械交付該區叅將分守官收貯以備次班應用免致往返勞費春防用叅將尹秉衡曹鎮佐擊王國柴愚管

領秋防用叅將楊正方圓佐擊劉臣錢炳管領居常則督軍操練火器及期則督軍肅隊以行若果臨期無警聽總督官且曾奏請另議進止叅遊官到鎮悉聽總督巡撫節制不許抗違

一該鎮糧餉雖有總督兼理於上郎中主事分承於下緣彼此原非專屬甲可乙否動見抵牾自昔用兵固未有食不足而兵足之理臣等悉心圖維必須該部大臣專一督餉則職掌既明施為自易合無移咨戶部於本部左右侍郎內奏差一員量兼憲職請給勅諭關防書契前去薊州住劄專一管理昌薊二鎮主客

二項錢糧并查催各省拖欠民運各區錢糧但有不  
足兵備副使即便呈請督餉衙門處發一年滿日另  
差侍郎前去二三年間事體停妥總督官照舊兼理  
侍郎不必再差見今年成豐稔正當收買之時若果  
戶部帑銀不敷工部借銀十三萬兩戶部發銀十萬  
兩交與侍郎帶去或補主兵之糧或給客兵之糧或  
召買新鮮米豆安置倉廩以備支用務要區處得宜  
不致浪費兵備將領軍衛有司等官悉聽節制公勅  
者從實舉薦怠弛者從重懲奏一切侵漁奸弊悉聽  
侍郎區處庶幾士喜馬騰以之練兵則兵可強以之

御示虜則虜自戢提綱挈領此其首務

一火器 中國長技在各邊用之於戰其利什一在  
薊鎮用之於守其利什九仰蒙

皇上洞悉邊計頃者勅下臣博速將宣大薊鎮多發火器  
正等奉行惟謹俱已陸續督發但先年所發之數似  
亦不少該鎮漫無章程有用之物置之無用殊為可  
惜相應立法稽考合無移咨總督都御史楊選巡撫  
都御史徐紳將各區先發今發火器火藥通行查出  
備造循環文簿二本每季終差人覈送工部倒換如  
果見在火器火藥尚不足用即便會同具奏聽候冊

處其本處歲造火器火藥亦要一體查明附入簿內  
一各區主兵近來分布不一或今歲在此區明歲又  
在彼區防春又在此區防秋又在彼區以致軍士地  
方險易不能熟知東奔西馳殊無固志至於寧山等  
衛班軍輪戍薊鎮即同主兵相應一體整理合無移  
咨總督都御史楊選即將各區主兵公同鎮巡兵備  
等官分派停當一面具數咨部一面出給簡易告示  
諭衆知之以後不許輕易調動其應援客兵聽其臨  
時斟酌不在此限本部一面咨行各該巡撫都御史  
各將寧山等衛班軍遇有逃故者先於別項軍內選

補務足原額每軍啓行之日各先處給月糧三箇月  
具由奏知如敢仍前玩愒聽薊鎮總督官從實參究  
一兵家之法先則制人後則為人所制薊鎮雖稱專  
一擺守牆垣賊果臨牆患已剝膚終非萬全之計出  
奇以制之參步以誤之封疆之臣自當加意整飭合  
無移咨總督都御史楊選即將邊牆之外逐一踏勘  
要見何處可以火攻何處可以水攻何處平夷應該  
剗削何處險隘應該堵塞近則十數里遠則一二十  
里五七十里要在因地制形以為牆之藩籬至於應  
嘯人後果能嘯探明的即照近日題准事例實陞職

級仍重加犒賞犒賞之費於撫夷銀內動支銀如不敷再行奏請至於州縣村落多無城堡亦當一體脩繕臣博往年巡撫甘肅嘗創為墩院之法其費甚簡其益頗多容臣畫成圖式咨送楊選以次整頓但成一處即有一處之益不必欲速務求遠利

一山海一片石等處相去薊州數百餘里軍士本色月糧俱於薊州倉關支其為不便雖有委官總領無力轉運只得就彼減價雜賣兼之委官任意侵漁及至到營每軍僅得銀一錢二錢而已臣博總督之時已嘗題准令其本折隨日無欠頗聞晉糧郎中泥於

舊例至今未見遵行臣等以為政貴宜民法當通變  
軍欲折色我即以折色給之却將遺下本色香給附  
近倉口軍士遠者近者均為有益亦何憚而不為合  
無移咨督餉侍郎到鎮之日加意一處仍備細回奏  
一朶顏三衛屬夷撫賞之舉雖不可廢各該將領向  
因無處措辦未免剝及貧軍蠹壞操練此為第一弊  
政况彼夷乍臣乍叛全不足恃必須恩威並行使其  
既知所感又知所畏方能經久合無備咨總督都御  
史楊選今後夷人安心向化者該入貢則聽其入貢  
該撫賞則優為撫賞如敢入邊剽竊或在邊外撲殺



應酬人役即便着落夷中頭目將賊人賊贓盡數獻  
出以正法典如果負固不服相機發兵設法勦捕不  
得駕言誘殺撲殺以致肆無忌憚合用撫賞銀兩每  
年戶部出銀一萬兩本部出銀五千兩共銀一萬五  
千兩與同本處香錢等項相兼湊支將領如再科軍  
一錢輕則降級重則調發口北極邊衛分以示懲戒  
以後一切工役不必累軍銷其銳氣

一廢棄將領欲其使功不如使過即如近日原任總  
兵官姜應熊與同遊擊胡鎮岔道一戰大挫賊鋒是  
其明驗必須多方搜取置之軍門以收群力群策之

效合無移咨總督都御史楊選速將各邊廢棄將官  
徑自選取有知識者則用之練兵有勇略者則用之  
禦虜隨才器使各盡其長有功之日指名具奏以憑  
擢用其見在軍門怯懦不才者即日分別革退以除  
振武主兵之害

覆劄遼總督都御史楊選請移邊關戍兵外防疏  
題為除內口補外口以便防守事職方清吏司案呈奉  
本部送兵科抄出總督劄遼保定等處軍務無理糧  
餉都察院右副都御史楊選題奉

聖旨該部知道欽此抄出到部送司案呈到部看得總督

都御史楊選題稱紫荊盤石烟薰崖居庸小嶺響閘等處原設官軍防守內口殊為無益欲要移駐浮圖峪八達嶺等口外垣防守一節為照各關以外口為門戶以內口為堂室門戶既嚴堂室自固即如紫荊居庸一帶既設有浮圖峪八達嶺等處外口為屏蔽其盤石嶺等內口官軍殊係冗設若使一加轉移委為有益既該總督官具題前來相應通行勘處合候命下移咨順天巡撫都御史徐紳保定巡撫都御史毛愷會同總兵官何淮祝禔備行兵備該道各照所管地方逐一踏勘但有如前不係緊關內口量留官軍數

名住守傳報其餘通行移駐外口添併防禦遺下營房地土徑自議處停當務令人心樂從勿致失所其衝要內口不得槩議輕裁事完通將添過革過隘口留過移過官軍備造花名文冊咨送軍門類奏青冊送部查考嘉靖四十年十月初九日題奉

聖旨是欽此

覆已故兵部左侍郎張珩軍功錄蔭疏

題為比例陳情懇乞

天恩俯賜恤典以光泉壤事職方清吏司案呈奉本部送准吏部咨前事等因咨部送司查得嘉靖三十二年

六月內該總督陝西三邊軍務太子太保兵部尚書  
王以旂題稱巡撫延綏都御史張愚在任病故乞要  
錄廕其子等因該本部覆題奉

聖旨張愚既有邊功伊男准錄廕送監讀書欽此欽遵今  
該前因查呈到部看得吏部咨稱原任兵部左侍郎  
張珩守制病故已經題奉

欽依准與祭葬贈謚所據錄廕咨行本部施行一節為照  
已故侍郎張珩歷任三邊功勤懋著且任內督勵官  
軍生擒達賊五名斬獲番達首級四百三十顆至於  
主魯番納款振揚國威之功尤不容泯所據錄廕

伊子既經該司查有張愚事例相應題請合候

命下將張珩量為錄蔭以示激勸嘉靖四十年十月初九日題奉

聖旨張珩既有邊功伊男准錄蔭送監讀書欽此

覆巡視西關御史黃紀等覈勘昌平公道功賞疏題為官軍奮勇策應戰退虜衆事職方清吏司案呈奉本部送兵科抄出巡按直隸監察御史黃紀題前事又該總督薊遼保定等處軍務兼理糧餉都察院右副都御史楊選題為查明禦虜有功官軍乞

恩甄錄事俱奉

聖旨兵部知道欽此欽遵通抄送司案呈到部看得巡按  
直隸監察御史黃紀題稱查勘過本年九月內大舉  
達賊攻犯岔道等處官軍各用槍砲拒回及稱軍門  
標下叅將胡鎮原任總兵官姜應熊功當首論昌平  
總兵何淮軍門標下中軍原任叅將李康民原任遊  
擊竇淮居庸關分守林爵功當次論叅將胡鎮下家  
丁白天福胡天福管家丁把總馬勲李昂總兵何淮  
下家丁何廷胡等功當併論總督薊遼軍務右副都  
御史楊選功勞特異宣府總兵官李賢昌平兵備副  
使采永祿均屬有功乞要將胡鎮姜應熊特加甄錄

何淮等量加甄錄白天福等優賞陣亡被傷家丁姜  
寬等優恤及稱姜應能原任寧夏總兵叅問未結似  
當容其贖罪又該總督劉遼軍務右副都御史楊選  
具題大略相同內稱旗牌官魏棟所宜併錄保定兵  
一千名中軍千把總等官所宜通錄各一節為照蠹  
茲醜虜往歲秋高止在懷永隆保之間咫尺居庸未  
敢突犯乃今深入岔道相去居庸正關僅三十里雖  
金湯之險勢難遽越而繹騷之患不可不慮恭惟

聖皇在上天語叮嚀至再至三各該將領仰仗玄威恪遵  
廟筭一戰之功足寒虜膽巡關御史黃紀親蒞其地得



之目擊比之常時虛文祝報者迥不相同所據効勞  
人員如總督劉遼軍務都御史楊選簡程赴急調度  
允中機宜鎮守宣府總兵官李賢昌平總兵官何准  
兵備副使栗永祿合謀決勝指授不避艱險軍門標  
下叅將胡鎮原任總兵官姜應熊一則志存滅虜能  
脫危將之倒懸一則奮不顧身躬犯強胡之血刃均  
抱萬夫之勇大伸九伐之威既將家子人等併圖明  
白具題前來事干激勸相應通行議擬合候

命下將楊選重加陞俸仍加賞賚胡鎮超格陞賞應熊  
免其提問准以祖職遇缺推用仍重加賞賚李賢何

淮粟永祿李康民寶淮林崇量加陞俸家丁白天福等把總馬勲李出重加陞級不願陞者賞銀一百兩旗牌官魏棟量復祖職仍聽軍門各重加犒賞保定兵一千名及家丁并中軍千把總等官量加犒賞陣亡家丁軍人姜寬等六名兒男各准襲陞二級被傷家丁姜山等七名厚加優恤但

恩典出自 朝廷嘉靖四十年十月初十日題奉

聖旨楊選陞兵部右侍郎兼右僉都御史照舊總督賞銀四十兩紵絲三表裏胡鎮陞二級姜應熊免提問准復職推用還各賞銀三十兩二表裏李賢等各陞俸一級

白天福等馬勳等各陞一級其餘都依擬行本兵效勞  
楊博賞銀二十兩葛縉郭乾各十五兩俱一表裏欽此  
請催江西守臣依限平賊起復副使譚綸統兵疏  
題為江西賊情過限未見平寧乞為查催以靖地方事  
職方清吏司案呈照得江西流賊節該本部題奉

欽依定限九月以來平寧回奏即今十月將半尚無消息  
呈乞查催等因案呈到部看得江西賊情與北虜之  
事迥不相同北邊諸虜久犯有定時防禦有信地因  
時戒嚴畫地分守自可收功至於江西之賊始於前  
額有巢之孽濟以廣西無歸之兵本地惡少因而煽

動蟻聚蜂屯勢漸燎原節該本部題奉

欽依請勅總督浙直尚書胡宗憲兼制江西督兵會勦又  
行南京兵部尚書李遂發兵策應又將巡撫江西都  
御史兼理軍務江西福建廣東各監察御史隨軍紀  
功江西分巡湖西道加添兵備職銜江西都司添設  
領兵僉書萬安縣添設守備又將太僕寺寺丞趙鏗  
所議保甲之法備行整飭又將失事叅將谷陽守備  
李寧都司王瑞張啓謨拿解來京一切撫勦事宜通  
聽胡宗憲與提督兩廣侍郎張臬巡撫福建都御史  
劉燾巡撫江西都御史胡松提督南贛都御史陸穩

相機會行仰惟

聖皇在上軫念生靈日勤南顧

廟堂籌策似已明盡乃今十月將半未見平寧之奏且張  
元冲楊伊志已經聽勘革任胡松陸穩未見接管任  
事潢池小警雖同遊釜之魚右江大邦難容入市之  
虎所據該司乞要查催委當亟處合候

命下本部馬上差人賁文交與胡宗憲張臬劉憲胡松陸  
穩各照本部題准事理督率兵將矢心協力刻期蕩  
平即今

欽限九月已過以後比照邊方事例每半月將已獲流賊

若干未獲若干平寧過地方幾處未平幾處各另從  
實具奏通候事寧覆請定奪如敢仍前玩愒從重究  
治及照巡按江西御史樊鵬言生長邊陲素閑韜略  
爾來䟽議洞悉賊情既受監軍之責事干兵機者常  
與督撫等官公同計議不待互分彼此功成之日不  
拘巡按常例一體甄錄原任浙江巡視海道副使今  
回原籍撫州守制譚綸訓練土兵久著勞績即今胡  
宗憲所統多係本官訓練之人兵將相習勢同臂指  
茲當桑梓腹心之虞必切痛憤本部備行胡宗憲或  
將本官延置軍門資其贊畫或暫令起復責其任事

徑自奏請定奪再照閩廣之賊所倚重者數巢穴耳  
其大者在福建則有上杭峯頭永春蓬壺在贛州則  
有岑崗下歷在廣東則有潮州大埔程鄉饒平等處  
今雖越境劫掠不無身家累念若得一二驍將統領  
勁兵乘虛擣瑕在我則攻其必救在賊則勢必內顧  
蕩平之略似亦一策但道理隔越兵難遙度全在督  
撫等官徑自計處本部不相遙制通乞

聖裁嘉靖四十年十月十一日題奉

聖旨是這賊猖獗日甚地方官通不用心欺天禍國可歎  
着胡宗憲作速前去督率各該巡撫等官刻期平剿去

或仍前玩視終來重治段顧言着協計用兵有功一體  
陞賞譚綸准起復統領浙兵殺賊欽此

嚴催浙直總督尚書胡宗憲躬詣江西勦賊疏

題為軍務事職方清吏司案呈奉本部送兵科抄出總  
督浙直福建江西等處軍務兼巡撫浙江地方太子  
太保兵部尚書兼都察院右都御史胡宗憲題奉

聖旨兵部知道欽此欽遵抄出送司案呈到部看得總督  
浙直尚書胡宗憲題稱廣賊素三等千餘自福建流  
入浙江龍泉地方勢甚猖獗欲要先殄此賊繼驅流  
寇一節為照前項狼兵先在江右殘破城池繼流閩



中肆行劫掠乃今一股復入浙江龍泉等處計浙江之兵力勦滅零醜勢如破竹查江西之劇寇分擾全省禍尚燎原既該總督尚書胡宗憲具題前來相應通行議擬合候

命下本部馬上差人齎文交與胡宗憲一面督率兵將將廣賊袁三等作速擒捕以靖浙方一面仍遵

明旨親詣江西有賊地方嚴督各該提督巡撫等官刻期蕩平不得顧此失彼有負委任嘉靖四十年十月二十日題奉

聖旨是欽此

覆給事中曾濂條陳江西撫勦事宜疏

題為江右賊勢愈熾懇乞 聖明申勅總督重臣督兵  
速勦敬陳末議計安地方事職方清吏司案呈奉本  
部送兵科抄出禮科給事中曾濂題奉

聖旨該部知道欽此欽遵抄出送司案呈到部看得禮科  
給事中曾濂題稱江西賊勢猖獗乞要申飭總督尚  
書胡宗憲督兵會勦南京兵部相機策應及條陳事  
宜各一節除胡宗憲親詣江西南京兵部發兵策應  
節經奉有

欽依無容別議外所據條陳事宜合就開立前件議擬上

請定奉嘉靖四十年十月二十二日題奉

聖旨准議欽此

一議事權看得南贛提督開府一方控制四省事權  
委當隆重自先年都御史王守仁請給 令旗令牌  
以來至今新舊交承事體已定所據該科欲照御史  
穆相題准事例各省相連地方但係賊情與南贛等  
府干涉者聽其督責料理殊為責成之意合無移咨  
提督南贛軍務都御史陸穩遵奉 勅書內事理在  
照責任除民情不預外凡一應地方雖非專轄但係  
盜賊重情干涉南贛者悉聽從宜整理軍衛有司不

許仍前推阻違者必究其應與江西巡撫計議者仍  
要計議而行

一定勦撫着得弭戩之方不過勦撫二策江西閩廣  
之寇倡亂賊首罪惡已盈法所不赦其地方脅從之  
民巢洞未出之徒黑白自分難以一槩窮治節該本  
部議行總督浙直尚書胡宗憲親詣江西會行兩廣  
福建江西南贛各該巡撫提督官從宜撫勦仍出給  
簡易榜文罪止渠魁罔治脅從一切事宜與該科所  
議大略相同至於搗巢之說雖云乘虛攻瑕亦止及  
於作亂之巢非是株連無辜合無備咨胡宗憲等查

照本部先今題准事理參酌該科所議相機勦撫務中機宜

一禁姦慝看得保甲委為弭盜安民之法拔本塞源之計先該太僕寺寺丞趙鐔具題本部議覆備行各省撫按官將本官所議督同府衛州縣從實脩舉查與該科所議相同但恐有司視為虛文小民難與慮始相應申飭令無仍行各省撫按衙門專一責成軍衛有司不分城市鄉村居民行商逐一挨次編排某為戶長某為牌長某係何等生理某地方有無盜賊日省月報但有小寇即令互相舉覺違者連坐務在

合於人情宜於土俗不致騷擾

覆巡視西關御史黃紀條陳整理薊鎮三事疏

題為虜賊退避乞及時振飭邊防以圖治安事職方清  
吏司案呈奉本部送兵科抄出巡按直隸監察御史  
黃紀題奉

聖旨兵部知道欽此欽遵抄出送司案呈到部看得巡按  
直隸御史黃紀題稱條陳薊鎮三事具見本官未聞  
桑土之思甚於邊務有益合就開立前件議擬上請  
定奪嘉靖四十年十月二十四日題奉

聖旨是欽此

一訓練之方看得禦虜長技火器為上弓矢次之刀劍又次之緣薊鎮昌平主於倚牆固守故本部之議特欲多習火器至於應援之兵出關逐虜主於戰弓矢刀劍委不容少御史黃紀與本部所見各得其一要之兼總條貫方為萬全合無申飭督撫衙門督率兵備等官各照所管區分守牆者仍照本部原議以十人為率八人火器二人弓矢出戰者不拘火器弓矢刀劍通行練習仍選邊兵武藝最優者數十人立為教師厚加優給務期人人精熟足堪戰守庶幾邊兵可以漸撤錢糧不致妄費

一調遣之宜看得三營之兵自我

皇上更定之後戎政大臣悉心整飭不分頭撥次撥已經  
選成三十枝比之往歲殊不相同近議更審調遣專  
守居庸鎮邊二區無非漸掣邊兵之計御史黃紀既  
稱中間老弱未汰役占未清相應申飭合無備行戎  
政衙門會同巡視京營科道查照黃紀所議將三營  
軍士通行揀選除明年春防秋防八枝已定外四十  
二年再輪八枝四十三年再輪八枝周而復始不惟  
勞逸適均人人奮勵戎務自當振舉

一防守之要看得宣大二鎮乃薊保之門戶門戶既



嚴堂室自固近日沿邊一帶營堡墩臺多被虜賊攻  
毀以致突入威遠右衛懷來龍門等處不能防禦御  
史黃紀謂欲嚴蒞鎮當急宣天殊為得其要領合無  
備咨總督都御史李文進即行宣府大同鎮巡等官  
查照黃紀所議趁今秋防已畢邊境無事各將沿邊  
城堡墩臺逐一查勘見存若干攻毀若干應該作何  
脩葺合用錢糧作速具奏以憑議覆如或因循玩愒  
有悞邊計聽本部與該科從重叅究

覆巡撫鳳陽都御史喻時嚴飭春防疏

題為懇乞

天恩豫討將官以壯軍威以弭倭患事職方清吏司案呈  
奉本部送兵科抄出總督漕運兼提督軍務巡撫鳳  
陽等處地方都察院右副都御史喻時題奉

聖旨兵部知道欽此欽遵抄出送司卷查先該兵科都給  
事中張益等題該本部覆奉

欽依備行南京兵部尚書李遂計議都督劉顯應否領兵  
前去江西策應如果應發徑自起發外查呈到部看  
得巡撫鳳陽都御史喻時題稱南京中軍都督府都  
督僉書劉顯忠鯁節義武班獨步鳳淮要郡兵力單  
弱乞要將劉顯於來春移駐儀真揚州等處扼要據

險一節為照都督劉顯先因南京多事推管營兵近以江西有警復候策應節經奉有

欽依似難別議且淮揚地方自前歲告捷之後烽燧罕聞思患預防因為萬全之圖設官分職自有畫一之計所據都御史喻時具題前因相應亟為議擬合候

命下移咨都御史喻時嚴督副總兵郭震等速將來春風汛事宜及早計議倭如不來則已來則何處可以水擊使之片帆不得近岸何處可以陸擊使之一人不能生還方略定於平時運用妙於臨事上報一

國恩下慰民望不得藉口討將討兵自快機宜嘉靖四

十年十一月十一日題奉

聖旨是欽此

覆都給事中張益等請嚴管陝西邊臣秋防功  
罪以重春防疏

題為乞 勅總督鎮巡等官預備防春以禦虜患及查  
議邊務事職方清吏司案呈奉本部送兵科抄出兵  
科都給事中張益等題奉

聖旨兵部知道欽此抄出送司案呈到部看得兵科都給  
事中張益等具題大率謂今秋虜衆雖稱出邊時每  
進搶瞬息春到必求大逞乞要嚴

勅宣大陝西各該總督鎮巡等官先事預防及稱大同地方守備劉晉臣被縛延寧等處大虜進境數次總督巡撫率相隱匿及要將總督李文進程軌巡撫陳其學謝淮孫慎等孰為盡心失策及總副叅遊等官有無失事情罪原任總兵官劉漢趙應勘問事情通行巡按御史分別叅奏以後查勘功罪俱聽御史覈實不許掩飾各一節為照舊茲醜虜自黃河以西侵入我境則延寧總督撫鎮之責自黃河以東侵入我境則宣大總督撫鎮之責往時止於防秋今則無分冬春一體戒嚴往時止於搶掠今則專攻墩堡多方騷

擾各該官員始為隄備不嚴既而調度失策職任所  
在委難辭責除陝西總督都御史程軌延寧巡撫都  
御史孫慎謝淮見該巡按陝西御史董鯤另本參論  
吏部會同臣等議覆外所據宣大總督都御史李文  
進久在開府機宜漸熟大同巡撫都御史陳其學新  
入雲中忠猷夙抱似難輕棄該科具題無非慎重間  
寄之意至於查勘功罪付之分巡委有扶同之弊相  
應通行議擬合候

命下移咨都察院轉行宣大陝西各該巡按御史查照該  
科今議并本部節行事理通將各起賊經地方嚴加

查覈總副叅遊等官孰為有功孰為失事李文進陳其學有無干碍通限一月以裏從實回奏劉漢趙應所犯事情一併作速勘問今後各邊功罪悉聽巡按御史紀驗覈實督撫官不許仍稱該道查明以滋欺隱之弊一面咨行各該總督鎮巡等官秉此虜退之時悉心春防兵糧不敷作何處置牆堡未完作何脩葺應奏請者徑自奏請應施行者徑自施行務要先事有備伐虜之謀不宜後時無功墮虜之計嘉靖四十年十二月十七日題奉

聖旨是欽此

請究山東等處隱匿賊情疏

題為查究地方盜賊事職方清吏司案呈照得先該本部為傳奉事奉

聖旨朕聞各處強賊甚多何有司者欺心坐視全不經理兵部便行文與各該巡撫官便着嚴督有司撫緝擒捕務要靖除如仍前怠視的從實叅究處治欽此欽遵隨該本部將撫緝擒捕事宜條議上陳已經奉有

欽依通行外查得入冬已來訪知山東滕縣等處大盜行劫甚至戮傷會試舉人直隸順義等縣劇賊嘯聚甚至突入近京地方順義之賊已經本部指授方略備



行剡遼總督侍郎楊選巡撫都御史徐紳兵備副使  
張邦彥等并提督巡捕都督馬陽輝等相繼擒獲餘  
黨解散其山東之賊近據巡撫都御史謝東山題稱  
並無盜賊生發顯有隱匿情弊呈乞查處案呈到部  
看得畿輔地方乃京師之肘腋山東地方為南北之  
咽喉均屬緊要臣等自奉

聖諭以來節行各處巡撫兵備等官設法勦捕至於畿內  
山東尤嘗注意蓋外之夷狄內之盜賊其害惟均撲  
滅於早則為倏霜其力甚易撲滅稍遲則為堅冰其  
力甚難所據山東之賊喧騰遠近聲勢頗張而巡

所報乃稱並無一事其為有司隱蔽不言可知事在  
彼中相應通行勘處合候

命下平部馬上差人咨行山東巡撫都御史謝東山再查  
果有賊徒督率兵備州縣等官設法擒捕有罪官員  
應照例住俸應拿問者徑自拿問既不可過於嚴急亦不可重事姑息一面移咨都察院轉行山  
東巡按御史自本年十月初一日起至十二月終止  
通行查勘要見其處其賊劫掠曾否擒獲有無申報  
即今道路果否通行干礙巡撫兵備等官從實察究  
其順義之賊雖稱漸寧巢穴仍在薊州盤山平谷諸

蘆峪一帶督撫官楊選等亦要多方搜訪痛加勦除  
其京城內外仍聽臣等督率提督叅將把總等官晝  
夜戒嚴以絕奸萌以安黎庶嘉靖四十年十二月十  
七日題奉

聖旨是山東及近京地方盜賊肆行巡撫官緣何未見奏  
報顯見隱匿着該巡按御史從實查叅具奏仍作速  
勦捕不許怠玩欽此

議發京兵給戍薊鎮疏

題為虜賊退遁及時整飭邊防以圖治安事職方清吏  
司案查是奉部送兵科抄出總督京營戍政太子太

保鎮遠侯顧寰等題奉

聖旨這營兵出邊防守與原議減邊兵數多三枝應否遣  
去兵部還詳議來說欽此欽遵抄出送司案呈到部看  
得京營之兵頻年坐食漸成驕惰近議揀選四枝戍  
守居庸鎮邊二區其說有四其一則京兵習見烽燧  
慣經勞苦可以轉弱為強其二則居庸鎮邊原有懷  
保在外警報絕少即使有警去京不及百里朝發而  
夕可至比之遠調宣大保定之兵勞費懸絕其三則  
春防之月該鎮止留邊兵三枝一有聲息居庸鎮邊  
未免分置邊兵兵分力弱顧理不周若得京兵戍守

二區邊兵自當單管古北冷口緊要去處在此則為  
虛聲在彼則得實用其四則臣等原題若果臨期無  
警聽總督官且實奏請另議進止即如來春果無警  
急京兵自難輕發所省錢糧更為不貲所據戌政大  
臣顧寰等具題前來相應通行計處合候

命下備行戌政衙門查照本部原議將叅將尹秉衡等所  
領防春官軍四枝整棚停當勅書旗牌砲火等項  
本部預行該部請給稍待來春居庸鎮邊果有警報  
容臣等再行斟酌或量發二枝或全發四枝具由奏  
知如果無警通不必發務中機宜仰體我

皇上節財省費至意一面移咨總督侍郎楊選必須宣府  
實有聲息方許請兵不宜無事張皇口快邊計嘉靖  
四十年十二月十九日題奉

聖旨這營兵聽候薊鎮探有的實盤報方許題請量發一  
二枝防守邊臣不許虛聲張皇請兵徒增餉費無濟實  
用欽此

覆南京科道官馬出圖等論巡撫福建都御史劉  
燾調用疏

題為倭寇猖獗閩中地方十分危急懇乞

聖明亟下該部議處仍勅當事臣工刻期勤蕩以救生靈

以隆 聖治事職方清吏司案呈奉本部送兵科抄  
出南京戶科等科給事中馬出圖等南京貴州等道  
監察御史王宗徐等奏俱奉

聖旨兵部看了來說欽此欽遵抄出送司案呈到部看得  
南京戶科等科給事中馬出圖等南京貴州等道監  
察御史王宗徐等交章論列大率謂福建所屬八府  
無處非賊欲要將巡撫都御史劉燾亟為處分或督  
調度并 勅尚書胡宗憲留心經理各一節為照福  
建地方海寇山賊日見滋蔓即今興泉等府半成賊  
墟事勢艱虞誠如言官所論巡撫都御史劉燾素負

忠勇閩海兩年出入兵革之間儘效勤勞但原係北人南方風氣果不相宜即使嚴加督責恐亦終難責效總督尚書胡宗憲福建地方原屬節制即今江西浙江漸就平寧自當專意經理福建之事係干軍務相應通行議擬合候

令下行令劉燾面籍聽候遇有西北相應員缺酌量別用遺下福建巡撫文部會選附近知兵官員請

旨簡用本部馬上差人齎文前去催促到任令其公同總督尚書胡宗憲嚴督兵備恭守等官不分山寇海賊作速擒捕剋期勦蕩其應調應募兵馬應處錢糧一



切事宜悉聽會議停當徑自奏請既不必拘於成命  
致悞機宜亦不計藉口隔遠坐視不理一面移咨都  
察院轉行彼處巡按御史遵奉

欽依隨軍紀驗各官如敢仍前玩寇殃民即便指名查叅  
以憑重究嘉靖四十年十二月二十二日題奉

聖旨福建寇賊猖獗口甚失陷數處城池汎劫隣省劉燾  
巡撫兩年未見勦平好生有負委任本當治罪你每既  
說風土不宜姑着調外任用員缺吏部便推堪任的來  
着欽此

楊襄毅公本兵疏議卷之七終